
Dat is rechtschapen in d' Bux gahn

IN D' LUUR

Karin Böhmer

redaktion@on-online.de



Wat sull dat gerecht togahn bi de SPD in Südbrookmerland. Van veer Kandidaten sullen de Leden een utsöken, de as Börgmester kandidert. All veer sullen sük mit en Blattje vörstellen. Kieneen sull in Vördeel kamen. Klung good, so sull dat egentlik maakt worden in en Partei. Man dat is rechtschapen in d' Bux gahn. Nich, umdat an d' Enn kien Kandidaat funnen worden is of umdat de SPD-Mann bi d' Börgmesterwahl mit Schimp un Schann unnergahn is. Ne, so wied is't noch gaar nich. Man is düchtig Schandaal unner de SPD-Lüü kamen. Besünners de Kandidaten, de't nich worden sünd, schellen över de Verloop. Wenn dat in Harvst bi d' echte Wahl kien Stimmen brengt, denn weet ik't ok nich.